

醫
案
存
真
三



葉氏醫案存真

元孫萬青校刊

夏至陰氣不生乃損不能復矣今當大熱氣泄愈甚百脈諸氣皆空脂液盡耗難望再醒為寒為熱無非身中陰陽互乘陽由陰上越則頂巔痛風木之火入中則嘔逆嗆咳總之液涸神竭進兩儀煎瓊玉膏扶至稍涼再為斟酌

麥冬 竹葉 人參 烏梅肉 大麥 鮮荷葉汁

水煎澄冷服



初春脈動而不鼓亦收藏之司淺矣壯年未育晨吐黑痰皆水虧火炎精氣不充之象胃旺能納穀當專理下焦不必以痰為慮

牛骨髓 羊骨髓 海參膠 線魚膠 龜鹿膠

艾實 菟絲粉 金櫻子粉 五味子 家韭子

大熟地 遠志肉 建蓮肉 淡菜膠 熟首烏

覆盆子 不土 不姓 不始 與今 當大 燕 涼 地 珍 喜 可

下寒便難不寐液涸陽不潛伏用辛甘化風

熟地 歸身 肉桂 枸杞 懷牛膝 白芍



扶苓 甘菊 菴蓉 柏子仁

程舜文令郎 男子思念未遂陰火內熾五液日奪但
孤陽升騰薰蒸上竅已失交泰之義此非外來之症凡
陰精殘憊務在胃旺納穀生陰今咽喉耳鼻諸竅久遭
陰火之逼寒涼清解僅調六氣中之火而臟真陰火乃
閃電迅速莫遏清涼必不却病良由精血內空草木藥
餌不能生精充液耳

猪脊髓 阿膠 川斛 天冬 生地

胡撲菴 脈動於右氣熱易升陰不上承能食不能充



津液入春嗽血不止養少陰之陰勿苦降礙胃

雞子黃 阿膠 生地炒 柏葉炒黑 麥冬 茜草

轉方加天冬 抱木茯神

上假熱下真寒肝腎大虛用加減八味丸

熟地 茯苓 丹皮 山藥 五味 當歸

脈濇無神便澹食少肛有瘡瘍兩月未合已成漏症延

綿竟有痼疾之虞近日瞋怒氣擾中焦隱痛至於耗氣

劫奪萬難再餌議進東垣益氣湯減黃芪加木瓜白芍

煨薑南棗以制肝木

370.

369.

368.



371.

脈數多遺脊痠腰墜此督任失固非通不能入脈非滯

無以填精色蒼形瘦不宜溫補

熟地 牡蠣 遠志 五花龍骨 五味 茯苓

芡實 山藥 羊腎脊髓

肝腎兩虧虛火燥金用納氣法

熟地 牛膝 白芍 青鉛 童便 山藥

脈數小不飢痰多陰虛伏熱

滑石 麥冬 竹葉 連翹 杏仁 鮮生地

陰液枯槁陽氣獨升心熱驚惕脩熱汗泄議用復脈湯

374.

373.

372.



甘以緩熱充養五液

人參 阿膠 炙草 麥冬 牡蠣 麻仁

細生地

脈大不斂神迷嚙語陰陽不相交合為欲脫之象救陰無速功急宜鎮固陰陽冀其甦息

生龍骨 生牡蠣 人參 阿膠 茯神 淮小麥

留熱未清營液已耗但論清邪恐神索氣奪臑滯陰藥防餘熱癰瘍議理心之用亦清補之意

人參 麥冬 竹心 淮小麥



心中空洞下焦寒冷兼有遺精便溏議用三陰補方

人參 山藥炒 茯神 五味 杞子炒 建蓮

線魚膠 熟地炒

脾胃陽微不運寒痰噫氣腎虛陰走遺精無夢

人參 山藥炒 熟地 建蓮 生牡蠣 龍骨

杞子 麋角膠

男子脈大為勞暑月陽不伏藏初夏陽升血溢皆內損

少固填精固氣是為藥餌靜攝絕慾經年可復

線魚膠 真沙苑 五味 龜版 茯神 淡菜膠



380
金櫻膏 石蓮 芡實

陳 纔交春三月每夜寒熱渴飲汗出是皆陰損於下
孤陽獨自上胃也虛勞兼有漏瘍加以情懷悒鬱損傷
不在一處少腹及腰肋痛議治在肝胃之間

381
桃仁 旋覆花 丹皮 新絳 青葱 柏子仁

許友官 幼年瘍潰成漏後天不能充長其吐血後嗽
不止夜熱晨汗熱止日見色奪肉消減食惡心便溏乃
勞怯陰陽中下並傷草木藥餌何能挽回生生真氣難
效之症

人參 山藥 芡實 炙草 五味 熟地 炭

寒熱半年少時色黃氣短欬嘔是內損營衛迭偏勞怯

重病

人參 茯苓 黃芪 炙草 煨薑 南棗

汪正中 填固包舉遺精已緩新正勞煩氣洩病後神

耗精奪當此升泄氣候以安神固攝法

桑螵蛸 金櫻子粉 茯神 人參 生龍骨

當歸身 金箔 龜板

陳升葵弟 勞病先傷陰氣繼而陽傷夏季脾胃不和



臍脹腹鳴晨泄凡陽虛外寒陰虛熱蒸皆虛不肯復元
之象非草木可為病人述腹中氣通小愈用藥當宗此
旨

人參 穀芽 茯苓 白芍 炙草 新會皮

右瘕舌瘡足痺頭岑面載陽呵欠微呢診脈小濡而緩
此腎納失司肝風震突但病起耳後暴腫必兼溫熱客
氣清上輕揚腫勢頗減七日以來當陰陽經氣一小周
天不必以時邪引病為惑昔河間宣明方論中謂舌強
難言其咎在乎舌下筋脈不主流動以腎脈榮及舌本



耳其主地黄飲子取意濁藥清投機關漸靈并無礙乎

上氣痰熱做此為法

下熟地

肉苁蓉

漂淡

遠志

炒黑

川石斛

茯神

枸杞子

牛膝

石菖蒲

脈象左部稍振水虧木中風動左牙痛益風從內旋乃

陽之化風祇以春深地氣上升之候多升少降無非下

元不司收納虛証何疑况因目恙頻用韭子烟薰查本

草藥性辛辣升騰助陽孫真人於遺濁用之藉其升陽

以涵陰更無漏泄耳今痺中八日聲音漸振者乃精氣



畧有寧靜裏竅畧有靈機是順境也乃不明此理仍用
辛以泄氣加人參亦是清散上焦之藥以肝腎藏虛在
於至陰若再投辛以傷其陰必致虛症蜂起焉望其向
安倘必以上有火熱古稱實火宜清虛火宜補溫養柔
和與溫熱剛燥迥異幸勿疑訝

生地 川斛 麥冬 茯神 阿膠 女貞子

十二日來干支一輪右肢痿木右跗足畧有痛象舌竅
未靈味少甘美虛象顯然三日前主家以齒痛為熱醫
迎主見即投辛涼解散此症虛在肝腎下焦若不固納



維本漫無着落仍以前法加入涼肝可也

熟地 枸杞 牛膝 遠志肉 茯神 川斛

天冬 甘菊炭

張石頑治春榜趙明遠平時六脈微弱已酉九月患類
中風經歲不痊邀石頑診之其左手三部弦大而堅知
為腎藏陰傷壯火食氣之候且人迎斜內向寸又為三
陽經滿溢入陽維之脈是不能無顛仆不仁之虞右手
三部浮緩而氣口以上微滑乃痰沫壅塞於鬲之象以
清陽之位而為痰氣占據未免侵漬心主是以神識不



清語言錯悞也或者以其神識不清語言錯悞口角常有微涎目睛恒不易轉以爲邪滯經絡而用祛風導痰之藥殊不知此本腎氣不能上通於心心藏虛熱生風之症良非燥藥所宜或者以其小便清利倍常以爲腎虛而用八味壯水之劑殊不知此症雖虛而虛陽伏於肝臟所以陽事易舉飲食易飢又非益火銷陰藥所宜或者以其向患休息久痢大便後常有淡紅漬沫而用補中益氣殊不知脾氣陷於下焦者可用升舉之法此陰血久利之餘疾有何清氣在下可升發乎若用升柴

升動肝腎虛陽鼓激高上痰飲能保其不為喘脹逆滿
之患乎是升舉藥不宜輕服也今舉河間地黃飲子助
其腎通其心一舉而兩得之但不能薄滋味遠房室則
藥雖應病終無益於治療也惟智者善為調攝為第一

義

熟地 巴戟天 菝葐 山萸肉 茯苓 薄荷

淡熟川附 肉桂 五味子 麥冬 川石斛

遠志 鮮石菖蒲

脈左大右濡肝風震動陽明脈空舌強肢更是屬中絡



議用緩肝熄風

連翹 丹參 元參 茯神 細生地 羚羊角

頭痛累月陽脈大陰脈濇此陰衰於下陽亢於上上盛下虛之候也陽氣居上體本虛也而濁氣干之則實陰氣居下體本實也而氣反上逆則虛頭爲清陽之位而受濁陰之邪陰陽混亂天地否塞而成病矣法用六味地黄湯加青鉛五錢

頭痛經年不愈早則人事明了自午至亥神氣昏憤不寧風火之劑雜治無功兩脈俱沉且滑此太陰陽明痰

390

391



厥頭痛也當用礞石滾痰丸間服導痰湯以蕩滌其痰
 次以六君子湯少加秦艽全蠍調理而安
 五旬外不得安間凡惱怒煩動多主五志之陽上舉而
 肝膽相火為甚幾年前製壯水之劑加磁石龜甲之沉
 潛乃乙癸同治之義今年暴暖多風風熱上搏清竅為
 蒙濕熱蒸為暎水此為客邪乘本體之虛治標宜輕揚
 以清上靜坐宅中可以向安

連翹 赤芍藥 草決明 羚羊角 薄荷梗

黃芩 山梔皮 荷葉梗 飯後服



裏真氣衰不能貫通外膜致聲若甕中而蛙鳴蚊震之
聲不絕前之流膿水時令濕熱氣加也今議補下鎮納
收斂方法

龜膠 磁石 牛膝 牡蠣 遠志 菖蒲 淡菜

膠同蜜丸

曹漢臣 厥陰頭痛舌乾消渴心下煩疼無寐多躁小

腹脹滿小便滴瀝時時瘛搐最怕厥竭

阿膠 鮮生地 雞子黃 小黑豆皮

煎半盞卽以湯藥送

滋腎丸 三錢



勞倦傷中身痛 396.

稚年陽有餘陰不足驟加驚恐厥陽直升為頭痛身不發熱二便自通豈是風寒停滯羌防葛薑辛溫混發陽

經愈升其陽必致損目宜養陰藥

周身掣痛頭不可轉手不能握足不能運兩脈浮虛浮雖風象而內虛者脈亦浮而無力以脈參症當是勞倦傷中陽明不治之候陽明者五臟六腑之海主束筋骨而利機關陽明不治則氣血不榮十二經絡無所稟受而不用矣衛中空虛營行不利相搏而痛有由然也法當大補陽明氣血不與風寒濕所致成痹者同治



人參 黃芪 歸身 甘草 桂枝 秦艽 白朮

患痛風發熱神昏妄言見鬼手足癱瘓大便不行此少陰腎氣受傷也腎既受傷病累及肝肝旺火熾神明內亂木合火邪內入則便閉外攻則身痛法當滋其內則火自熄風自除痛自止矣

生首烏 萸仁 桂枝 秦艽 桔梗 黃連

知母 枳殼

服一劑症漸減但心神不安身體如在舟車此腎氣虛

而肝肺為之不治正內經子虛母亦虛也母病子亦病



陰虛而發痛爪

也夫肝藏魂肺藏魄二藏不治故魂魄為之失守耳

人參 甘草 生地 麥冬 遠志 棗仁

羚羊角 川貝 橘紅 茯神

患風三月周身流走作腫手不能握足不能履診其脈浮大而數發熱口乾此陰虛生內熱熱勝則風生况風性善行火熱得之愈增其勢傷於筋脈則縱緩不收逆於肉理則攻腫為楚也

生地 黃芩 黃連 酒炒 紅花 羌活

左脈如不右脈緩濇蓋陰虧本質暑熱為瘧水穀氣蒸



濕流肢末遂成攣痺已經泄瀉食減陽明脈中氣衰極矣緩治可以冀功

生於木 茯苓 狗脊 茅朮 仙靈脾 獨活

防己 靈仙

濕痺絡脈不通用滲濕苦溫藥小效但汗出形寒泄瀉食減陽氣大衰可知難以濕甚生熱例治通陽宣行以

冀脈絡流通

生於木 茯苓 附子 米仁 金毛狗脊 萆薢

高年液涸風動酒濕氣蒸足趾曾經腐瘍經年來或麻

102

101



403.

痺或牽掣不能轉側已成筋骨之痠兼之火升眩暈頭
面清竅常似不爽大便艱澇四五日始一更衣陽氣不
能潛伏陰液日就枯槁老來痿躄原無復元之法診得
脈數動疾溫燥之補無益反害仿丹溪虎潛之製稍為
加減冀得津液少存亦安閒永年之算非攻病也

大生地 一斤

淡天冬 三兩

肉苁蓉 一兩

五錢

懷牛膝

二兩

生白芍 三兩

虎骨膠 二兩

柏子仁 二兩

肥知母

一兩

川黃柏 一兩

長夏濕痺經脈流行氣鈍兼以下元脈絡已虛痿弱不



能步趨脊脊常似痠楚大便或結或溏都屬肝腎竒經
為病蓋必佐宣通脈絡為正治法倘徒呆補夏季後必
滋濕擾須為預理

肉苁蓉 小茴香 巴戟天 歸身 遠志

鹿角霜 桑椹子 生茅朮 茯苓 熟地 薑汁製

另用金毛狗脊三斤煎膏和丸

俞天音 脈左大舌乾白胎腫痛流走四肢此行痺喘
急不食二十日外矣

羚羊角 木防己 白芍 桂枝 杏仁 薑黃

脈微而濇微為陽氣虛濇為陰血傷去冬已下肢獨冷
 步趨無力高年內乏藏納之司入夏身動加喘肉腠麻
 痺若蟲行此真陽失蟄胃陽失護生生意少豈攻病藥
 石所宜喻嘉言先生所謂大封大固莫令真陽泄盡而
 暴脫皆為此也錄嚴氏三因方
 人參 白朮 附子
 俞文調先生 靈樞云神傷思慮則肉脫意傷憂愁則
 肢廢皆痿症也脈形大虛無力常餌補湯而今操持繁
 思猶未能免病必遷延



407.^v
枸杞 歸身 甘菊 桂枝 虎骨

交冬宜藏老年下虛二氣少續忽然右癢舌瘖面亮戴
陽呵欠吸氣短欲噎此非外來客邪皆根本先怯平昔
眩暈肝藏虛風顯然水不生木坎中真陽內寓必溫理
其下凡陽主乎通陰主乎攝扶過七日少陽生氣再振
望其偏廢延永倘攻風劫痰之治非本氣自病法則

408.^v
人參 熟附 遠志 茯神 鮮薑瀹 搗汁冲

四十二歲右脈濇左脈微飲食不能健運愛嘔間或溏
泄此中宮陽氣欲寂當用辛溫以補之

与氣攻毒也

410.

409.

人參 乾薑 茯苓 淡吳萸 胡盧巴

左脈弦大空虛右脈虛軟滯能食不能運便溏跗腫

此係積勞傷陽壯歲經年不復當作虛症宜補脾腎治

人參 於朮 茯苓 煨益智 淡附子 白芍

甘草 乾薑 胡盧巴

正氣已虛熱邪陷伏故間瘧延為三日其象為厥舌潤

胸痺噦嘔恐成翻胃呃逆之症先以全覆代赭鎮其上

逆之氣以瀉心散其胸中之熱

人參 川連 白芍 旋覆 代赭 牡蠣

方考
漏時



陽氣結閉已成關格病屬不治姑用進退黃連湯上下

合法

黃連 白芍 人參 桂枝

頻頻勞怒肝氣攻觸胃脘胃陽日衰納食欲吐胃不主

降腸枯不便仿仲景食穀則噦用吳茱萸湯

人參 黃連 茯苓 乾薑 吳茱萸

陽微嘔吐不飢

人參 半夏 茯苓 白芍 淡附子

春夏陽升肝木乘胃嘔吐不已寢食減廢氣失下降腸

414

413

412

411



中不逼病乃懷抱抑鬱兩月之久不敢再以疏泄為治

人參 川連 烏梅 川棟肉 生白芍

十九歲翻胃三月粒米不存左脈大空虛右脈細小虛

澹納食少停即湧出口面白神瘁大便秘結此陰血枯

福陽氣鬱結已成膈症勉擬補中納下法

人參 於朮 麥冬 葦莖 牛涎 半夏 益智

茯苓

發熱痰喘胸滿身痛左邊畢亢不時逆上痛不可忍肝
脈弦急肺脈獨大此肺肝受邪之故也肝為木藏其化



風其生火風火合邪旺於本位則為熱為痛乘於肺金則為痰為喘法宜滋達肺金兼疏肝木

萸仁 紫苑 半麩 川貝 桔梗 枳殼 杏仁

蘇子 柴胡 秦艽 半夏 益母

狐疝 淡菴蓉 枸杞 巴戟 茯苓 沙蒺藜

當歸 茴香 真肉桂

陰莖作痛痛甚而憤診兩脈浮虛而濇浮為氣虛濇乃精傷陰陽兩虛得之憂思勞鬱而傷中也經云陽明為氣血之海主潤宗筋又陽氣者精則養神柔則養筋今



多悒鬱則氣必傷又任勞倦則血必耗氣血兩傷宗筋

失潤故令作痛治以當歸補血湯加

人參 甘草 秦九 桂心 紅花 繼用歸脾湯

調理

患溺血症已三月矣前用升補法不應右脈虛瀆無神

左關獨弦莖中作痛下多血塊形色憔悴又多噯氣據

脈論症乃肝脾積熱也肝熱則陰火不寧而陰血自動

以血為肝臟所藏而三焦之火又寄養於肝也故溺血

莖中作痛脾熱則濕氣內壅而生氣不伸以脾為濕土



之化而三焦之氣又運行於脾也故時時愛氣形色憔悴法當益肝之陰則火自平利脾之濕則氣自和

生地

白芍

草薢

丹皮

甘草

車前

繼用逍遙散加

車前

草薢

下血不已汗出躁煩心悸恍惚頭不安枕轉側不能兩脈虛瀉虛為氣虛瀉惡陰傷人身陽根於陰陰附於陽兩相維繫者也今陰而暴亡虛陽無偶勢必外越矣虛陽外越而陰愈無主其能內固乎陰陽相離氣血兩虧法宜兼補然血有形難以驟致氣無形可以急固固其

421

420

422.

氣則氣自充氣充則不必治血而血自守矣先用歸脾

湯繼以大造丸 風藥前投向安人夏四月苦熱野

人參 白朮 茯苓 棗仁 黃芪 龍眼肉

當歸 遠志 木香 肉甘草 生薑 大棗

寒熱如瘧便血不已左脇有塊攻逆不已而作痛脈弦

數兼瀉弦則為風數則為熱瀉則氣結此肝脾之氣悞

鬱不宜胸中陽和抑而成火故神明不精肝之應為風

肝氣動則風從之故表見寒熱也人身左半肝腎主之

肝風自逆故左脇攻楚有塊也肝為藏血之地肝傷則



血不守且以風淫熱勝蓋為亡血之由也

生首烏 黃連 柴胡 黃芩 知母 枳實

厚樸

下血既久真陰大損臨晚熾熱而咳乃陽失潛伏宜甘

酸益陰為治

熟地炭 甘草 萸肉 山藥 五味 茯苓

芡實 木瓜

屢進潤血燥熄虛風藥諸症向安入夏四月苦於便難
寒熱此夏令陽氣大泄陰液更耗虛風動灼為秘古人

424

423



每以辛甘化風主治因體瘦不受溫補復以酸苦味入

陰之意

鮮生地 胡麻 製首烏 天冬 柏子仁 杞子

茯神 肥知母 川斛膏

面目悉黃微見黑滯煩渴腹滿左脈弦數右脈空大此

內傷發黃為厥陰肝木太陰脾土二臟交傷之候也夫

肝為風藏其性喜伸而惡屈鬱則木不得伸而屈矣鬱

極則其氣盛而風乃發風發必挾其勢以賊脾脾為濕

土之司土受剋而氣不行則濕勝矣風性雖善行遇濕



以留之反壅滯經絡而不解由是濕停熱瘀而煩渴有
加其發黃也必矣雖曰風濕所致實由木亢而不寧土
困而不舒非外來風濕之比况黑色見於面則知并傷
其腎以脾病不行胃中穀氣入腎反將脾中濁氣下流
故於黃中見黑滯耳卽其腹滿亦是中氣不行虛熱內
壅非結熱當下之比若悞下之則藏氣空虛風從內生
矣若悞汗之則陽氣外解濕愈不能行矣爲商治法乎
肝之亢扶土之虛兼解鬱熱以清氣道除濕蒸而和中
氣



426.

人參 白朮 白芍 黃連 山梔 歸身 丹皮

茵陳 秦艽 柴胡 甘草 半麩

產後下損八脈交虛形寒內熱骨痛耳鳴血液日耗生氣不充冬季不得復元春深發泄司令延為勞瘵矣

杞子 歸身 紫石英 沙蒺藜 茯神 蓮肉

產後陰傷寒熱瘧幾兩月病發白帶淋漓八脈空隙大

著腹有動瘕下元虛憊已極議固下真通脈方

人參 鹿角霜 茯苓 歸身 菴蓉 粗桂枝木

產後十二日診脈數疾上湧下垂此血去陰傷孤陽上

428.

427.



冒內風燔燎肝魂不寧面赤頭痛晝輕夜重陰弱陽亢
上實下虛若不按法施治必增癰瘕厥逆議鹹潤益下
和陽方

小生地 生牡蠣 淮小麥 阿膠 麥冬 元參

產後脈虛舌白背寒凜身痛乾咳不飢是血氣兩損不
肯復元有蓐勞之慮急當培養足三陰臟莫以肺經咳
嗽治再伐胃氣用貞元飲方

熟地 歸身 炙草 茯神 杞子 桂圓肉

飢時服



430
產後五十餘日腹滿不減臆脹愈甚二便不爽此因下

焦空虛腑陽失氣化之司先宜通陽得脹勢稍緩再議

方用五苓加椒目

431
方 此血痺之症產蓐百脈皆動春寒凜冽客氣乘隙

襲入經絡始而熱勝繼則寒多邪漸陷於陰絡致夜分

偏劇汗多神昏譫語由邪逼神明豈是小病正如仲景

劫汗亡陽驚譫同例議救逆湯減芍藥方治

產後絡脈傷腹痛頻發嗔怒食物不宜則甚當調和脈

432
絡庶不延成痼疾宜葱白丸



胎殞陰損於下厥陽上泛久有風病癰症心營肺衛最
易蒙蔽是神志或昏或清皆夾雜風疾惡露自行豈是
痰痺姑用輕法以開上高

枇杷葉 薏苡仁 杏仁 通草 雲苓
下焦陰虧不攝裏熱泄瀉厥陽上泛頭痛又產後兼病

損
甘草 熟地 茯神 芡實 山藥 建蓮 川斛
葶勞下虛澹泄近有風温咳嗽發熱暫用手太陰上焦
藥四五日



桑葉 沙參 麥冬 玉竹 甘草 扁豆

久瀉無不傷腎况兼產後起因補中必當理下是為脾

腎兩補

五味子 生杜仲 雲茯苓 杜芡實 兔絲粉

臺人參 補骨脂 焦白朮

肝陽化風為厥腎源下衰水不生木而藏納失職此壯
盛年歲已有下虛上實之象大意養腎主以溫潤治肝
須得清涼乃仿複方之法

大熟地 茯苓 遠志 菴蓉 鹿茸 柏子仁



補骨脂 懷牛膝 黃柏 天冬 精羊肉煮爛搗

為丸

怒勞陽升暴厥苦降和陽使清神不為濁蒙便可清爽
此論平時調理養肝腎之陰宜至靜之劑從經旨下虛

上盛主治

生地 熟地 龜版 菖蒲 遠志 茯苓

脈右瀼左微色悴不華食減不能健運愛嘔溏泄此中
宮陽氣欲寂法宜辛溫通補失治釀成中滿難調

人參 茯苓 泡萊莢 泡淡薑 胡盧巴



南京中醫藥大學圖書館版權所有

440

驟然驚駭經府氣亂有失常度之流行是以腫脹無定
所飲食如常病不在裏何得紛紛雜治調其氣血以俟
營衛宣通

桑枝 遠志 歸身 桂枝 鈎鈎 白蒺藜

441
病傷久不肯復食入不運脾胃之陽日困與治中法

煨益智 茯苓 於朮 廣皮 白芍 煨薑

南棗

442

脈沉右小左虛大臍上有動氣臄脹不嗜食艱於大便
此中氣大虛肝氣內變忌用攻伐消導宜泄肝和胃



茯苓 益智仁 鬱金 穀芽 烏梅

寒濕損傷脾陽遂成中滿之症乃淡泊不堪所致

附子 乾薑 茯苓 白芍 胡盧巴

脈沉屬水初因食物之滯繼為下奪太速脾陽頓傷氣

窒濕聚為腫脹矣

大腹皮 茯苓皮 厚樸 猪苓 澤瀉 老薑皮

新會皮 甜葶藶 杏仁

懷抱抑鬱營血受傷入暮腕痛喜按乃傷陰絡非實痛

也

445

444

443



柏仁 桂圓 茯神 遠志 廣皮

精氣不足體質再加思慮鬱結心脾營血受傷口味甜
血隨溢稍過飢脘中痛營主中焦宜以歸脾養營之屬

人參 大棗 遠志 茯神 甘草 歸身 白芍

桂圓

脈左大堅弦肝風震動脾胃絡脈不和不知飢不安寐
口流涎右肢腫當兼理中焦之絡議用茯苓飲法

茯苓 枳實 人參 炙草 半夏 廣皮

遠志炭



金式兼 按太陽經之膀胱俞在脊骨間十九椎之旁

小便後從茲出汗是太陽之氣不固也凡天將雨則頭

眩目花經云頭眩其過在巨陽是清氣之不升也勞則

夢寐不安而遺飲食不適意即作瀉是逆其志而運化

失常此瀉在下焦統屬太陽病諸陽不能保舉而生種

種之疾議茸珠丸大安腎丸理膀胱氣自必獲效

鹿茸 茯神 人參 菴蓉 草薺 兔絲餅

秋石 柏仁 川斛 補骨脂 白蒺藜 桑螵蛸

吳文生 胃中不和痛瀉



茅朮 厚樸 廣皮 木香 炮薑 茯苓 猪苓

澤瀉 砂仁

汪介臣 鼻冷涕泪腹脹仍空形色衰奪脈微而濇陽

氣已憊濁陰日聚為脹滿不食危期至速勉議通陽方

法

人參 茯苓 淡附子 淡乾薑

胃弱肝氣不和口中吞酸作苦食物無味擬進加味温

胆湯法

温胆湯加人參川斛



脾胃不和腹膨痛夜自汗先疏利氣滯保和丸焦鍋巴

陳茶薑湯下

脈沉遲腫脹腹滿莖縮溺不利起於上年冬底痰飲咳

嗽氣逆不得卧誤認腎虛水泛之恙療治遂致增劇難

調勉擬進濟川丸以通水道得小便頻利冀其勢緩

久瀉傷腎下午黃昏為甚非通套藥所宜擬溫腎法

永隆號 屢通大便脹勢不減是陽氣愈傷陰濁益壅

矣進通陽法真武湯去白芍加澤瀉椒目

腎陽虛則乏納氣之權濁陰凝痞少腹漸覺有形為脹



脾陽虛則健運失司食少易滯受病既屬內傷固以理
臟真為最要益火煖土使中下之陽得安迄今圖治至
冬至一陽來復必獲全效

川椒 附子 白芍 茯苓 甘草

因時病而不慎口腹以致咳痰嗆逆肌肉消燥食下腹
脹甚則吐食而成虛損矣病在土不生金金衰則不制
木互相戕剋有不能起之象議以養金制木使中焦無
賊邪之患壯火培土使上焦得清化之權亦是一法未
知何如



甜沙參 淮小麥 鮮蓮肉 南棗 懷山藥

雲茯苓 燕窩 土朮 熟附片 羌活 獨活 白朮 蒼朮 木香 砂仁 枳實 枳殼 佛手 香橐 檀香 降香 蘇合 安息 乳香 沒藥 血竭 阿膠 龜板 鱉板 虎骨 狗寶 猴棗 熊膽 蛇膽 蜈蚣 蟻 蠍 蜂 蜜 蠟 燭 油 膏 丹 散 丸 錠 片 糖 漿 露 酒 醋 茶 湯 藥 水 藥 酒 藥 露 藥 膏 藥 丹 藥 散 藥 丸 藥 錠 藥 片 藥 糖 藥 漿 藥 露 藥 酒 藥 醋 藥 茶 藥 湯 藥 水

繼進方 人參 山藥 白芍 茯苓 炙草 南棗

鮮蓮肉 食而效 熟附片 定痛丹 土朮 金匱 固本 補丸

茹素胃弱向係肝陽熱熾今微眩耳鳴心怔議甘以養

胃緩熱少佐酸味 白芍 甘草

酸棗仁 柏子仁 炙甘草 鮮白藕汁 大生地

甜細真北沙參 大麥冬 雲茯苓 神效 黃肉炭 命門

肝風上巔頭旋耳鳴麻痺足寒微嘔便瀉經阻三年久



病治從血絡中法

菟蔚子 柏子仁 枸杞子 料豆皮 製首烏

甘菊

461
詢左脇下每日必有小痛逾時其痛勢佈散胸臆背部
從來不延及於腹中下焦是腑絡爲病凡久病從血治
爲多今旣偏患於上仍氣分之阻而致水飲痰濁之疑
此非守中補劑明甚但攻法必用丸以緩之非比驟攻
暴邪之治當用穩法議以陽明少陽方法俾樞機開闔
舒展諒必有裨益矣



生鉤藤 另研粉 生香附 水磨澄粉 風化硝 炒半夏 茯苓

生白蒺藜 去刺 竹瀝薑汁泛丸

厥陰腹痛引胸脇便難舉九腫

當歸鬚 延胡索 小茴香 桃仁泥 川棟子

官桂

李隆吉 客寒入於腸絡欲大便必先腹痛便解痛已

旬日無溺氣下泄此屬腸痹

公丁香柄 柴胡 木香 白芍 烏藥 川棟子

化入更衣丸五粒

462

463



朱容 肋稍隱隱痛卧起欬甚冷汗背有微寒兩足帶
冷身體仰卧稍安左右不堪轉側此皆脈絡中病良由
客寒閉其流行兩脈逆亂上犯過也治在血分通絡補
虛

枸杞子

炒

酸蓉乾

當歸

小苗全
炒黑

桃仁

炒

灸山甲

脈數重按無力左腰脇痛不能轉側舌胎白邊紅心中
熱悶不欲飲是濕邪滯着經絡阻痺宜進氣分輕清之
藥庶幾不傷正氣

苡仁

杏仁

川貝

佩蘭葉

西瓜翠衣



又 脈數左腰脇疼未止舌苔黃昨進芳香輕劑略安
仍不宜重藥

佩蘭葉 浙揆苓 南沙參 薏苡仁 川貝

又 脈數無力左腰脇疼未止舌色轉紅是病邪雖稍
緩却陰氣已經不振進清餘熱略兼養陰方

川貝 淡苳 麥冬 阿膠 川斛 知母

又案 脈數無力左腰脇疼未止舌苔已退雖病邪稍
緩但陰氣仍然不振議用清餘熱畧兼養陰方

川貝 淡苳 麥冬 阿膠 川斛 元參



胸中不爽是痰氣之阻倣小青龍法開太陽為主蓋少陰逆太陽氣化不至也

五味 突草 袂苓 杏仁 泡淡薑 生白芍

腑氣鬱滯為熱中宮少穀為虛腹滿溺濁口中味淡乃

幼科五疳之病

使君子肉 一兩 雞肫皮 一兩 肉果 五錢 川連 五錢

乾蟾 一尺 枳實 五錢 蕪荑 五錢 新會陳皮 一兩

山查肉 一兩 白芍 一兩 人參 三錢 飯灰 一兩

水泛為丸米飲送下二錢每早空心服一服



尖田人案 腹痛三年夜分乃發發必腹滿嘔不出物
繼而泄瀉此為脾厥脾為太陰之臟在臟體屬陰其運
用則陽厥陰肝病必有前陰見症用治中法

人參 木瓜 炮薑 廣皮 青皮 生益智

茯苓

淋症愈後半年交五六月復發雖係肝胆鬱熱亦必是
暑邪內蘊六腑皆為之不利胸腹如悶溺色赤混如血
宜先清熱宣腑陽然後再調本病

捲心竹葉 寒水石 車前子 牛膝根 廣橘紅



黑山柅 川鬱金 滑石

忍精而溺尿管閉塞此淋症也古云痛則不通用千金

方法

杜牛膝

麝香

三分研細調入

久瀉欲嘔腹中有形并起痛楚小便不利喜食麥麩皆
肝厥內風襲胃之症緣稚年驚恐多煩多哭氣逆風旋
蛔不自安而動久調必痊必當苦降辛宣酸泄風木得
和脾胃可安東垣老人治脾胃必先遠肝木矣

川黃連

白芍

烏梅

乾薑

桂木

人參



川棟子 川椒紅炒黑 爲末烏梅肉爲丸每服二錢

米飲下忌食甘

老人久嗽古人但以溫養脾腎未必以肺藥見病治病

貽害但身小質薄絡脈單弱桂附雄猛液枯必犯肺瘍

此溫劑通納爲無弊耳

薑汁製熟地四兩 補骨脂一兩 枸杞子二兩 懷牛膝

一兩 茯苓四兩 五味子一兩 胡桃肉霜三兩 淡菝蓉

五錢 車前子一兩 角沉五錢 蜜丸淡鹽湯送下

脈細有遺症是陰虛不主收納因冲氣上激爲咳嗽肺

475

476



藥無益今胃納頗好急宜填下絕慾安養尚可圖愈

熟地 杞子 建蓮 茯神 山藥 芡實

胃病治法

小川連 三錢鹽水炒 鹿角霜 一兩 炒當歸 一兩 淡薑 五錢

生香附 二兩 生晒茯苓 二兩 炒黑小茴 一兩 山查肉 一兩

二兩 生川棟子肉 一兩 水泛為丸

右足痛方 此痿症也因肝腎兩虛陽明脈絡失用筋

縮牽強足痛不堪動作當溫散下焦莫進疎解

川烏 北細辛 萆薢 乳香 沒藥



韭菜地上白頸地龍 晚蠶沙煎湯泛丸每日服二

錢陳酒下

形瘦身長稟乎木火肝風內動挾火上巔忽然眩厥跌
仆况陽舉遺濁陰分久虛擬壯水之主以制陽光法

大生地 大熟地 天冬 麥冬 鹽水炒川柏

痛脹甚於暮夜病根已在陰經從前溫補相安今則服
之不應因以寒凝痰滯為患進神保丸即上吐下瀉此
非有形之滯矣斯臟液日耗為虛腑經陽氣窒塞為實
行痺日久時愈時發脈來六至濕熱居多今關節腫痛



遊走不定是濕熱中又挾風火矣總宜養血清熱兼用
風劑庶幾有中病情耳

方失

陽邪入厥陰之陰嘔逆二三日不止腹痛便秘發熱口

乾手足冷

麥冬 蔗汁 枳實 沉香 川連 阿膠 赭石

人參 韭白 獼鼠糞

痧是肺胃氣分邪火內迫津液上焦受損元未全復更
為夏熱內蒸其血不必為陰虛治秋未入冬用清燥意

天冬 麥冬 知母 川貝 水梨肉



久嗽失音脈小痰冷衝氣入暮為重此肺虛氣餒不易

驟愈酒家有飲邪

桂苓甘味湯

奔走煩勞暴熱上蒸致身中陽氣不交於陰四肢麻木

內風屬陽之化左屬肝肝性剛柔劑為宜若用酒藥益

助其動陽是矛盾矣

生地

天冬

白藕汁

沙蒺藜

桑寄生

女貞子

炒枸杞

川石斛

夏月足跗肌浮是地氣著人之濕傷在太陰陽明初病



486
失血繼而嘔涎拒食此脾胃濕傷漫延乃爾

五苓散去澤瀉加用益智厚朴滑石陳皮

吳江陳

酒客脾胃自來不旺大便不實奔走勞動

失血乃形色之傷止血理嗽無非清滋聲音日啞肺痿

氣餒難治之症

人參 茯苓 米仁 炙草 白芨 黃精

楓橋汪

四

脇膈左右懊懣不舒嘔逆帶血凡人藏府

之外必有脈絡拘拌絡中乃聚血之地中年操持皆令
耗血血不和氣氣攻入絡病狀難以自明宜通血分以



和絡俾不致痰着可免噎膈反胃

新絳 青葱管 柿葉 桃仁 瓜蒌仁 鈎勾

蕩口 面黃白削瘦無神腹大臍突足冷腫重自言

如著囊沙曾經用藥攻下下必傷陰而脹滿不減乃濁

陰錮閉陽傷見症病在不治之條但用藥究宜溫熱以

冀通陽泄濁

吳生川附 椒目 炒乾薑 炒小茴 車前子

長善 歐詈大聲用力氣逆失音雖陰虛腦泄亦必

用輕揚肅上



桑葉 枇杷葉 生甘草 象貝 米仁 沙參

勞傷胃痛

熟桃仁 延胡索 柏子仁 當歸尾 炒丹皮

漏蘆

楊十九 沖年陰火未寧情志不和易於動怒氣火迸逆

絡血隨之上溢問納食不旺氣衝血上必撫摩氣降血

不出口但絡中離位之血恐致凝遏越日必氣升湧逆

矣

蘇子 丹皮 降香末 炒桃仁 米仁 炒查炭

491

490



492
韭白汁

紹興 卷三十一 少腹痛堅攻及當臍每午後必氣脹滯

痛貫串腰尻環跳肉腠之間肌膚亦漸浮腫再問經事
愆期僅得些微黃水是陰寒已入血絡病蓋起於產蓐
累及竒經入脈身偃不直俯不能仰此肝腎入竒經之
見症

炒枯腎氣湯

493
徽州 四十六 此痰飲宿病勞怒遇冷即發十年之久焉

能除根



桂苓五味甘草湯

楓橋

四十三

此肝病也肝屬木主筋木藏內寄風火情

志不適熱自內起燥筋襲脈肢體為之牽強不舒惟怡
悅靜養可希漸愈藥無除根之理

何首烏 枸杞子 桑寄生 當歸身 杜仲

沙苑蒺藜

師婆橋

六十三

寒入厥陰之絡結為氣亦痛則氣脹上

升氣消絕無形跡老年下元已乏勿與破氣攻疝宜溫

養下元為主尿管脹是阻溺當佐以通陽倣香茸丸法



鹿茸 麝香 當歸 青鹽 韭子 蛇牀子

覆盆子 大茴香

嘉興 廿八 色脈是陰虛其喉妨食納乃陰乏上承熱氣

從左土升內應肝腎陰火前議復脈法大便滑泄知胃

氣久為藥傷不受滋陰必當安閑靜室以調之豈偏寒

偏熱藥能愈

人參 茯苓 茯神 扁豆 桑木 瓜 石斛 北沙參

來安縣 四十六 病起痰飲漸為嗽喘外寒遇勞倦即發

發必胸膈氣脹吐出稀涎濁沫病退則痰濃氣降乃已



凡飲邪皆陰濁凝聚兩年之久漸漸腹中痞悶妨食肚
門尻骨坐則無恙行動站立時時氣墜若欲大便顯係
腎虛不能收攝惑於在前見痰治嗽苟非辛解即屬寒
降乃致釀成錮疾

腎氣湯加紫衣胡桃沉香汁

吳趨坊

四十五

清竅在上焦氣分搐鼻宣通固是好法

但久恙氣卸濕痰必生茶調散卧時服五分

薄荷

八錢

川芎

四錢

荆芥

四錢

羌活

二錢

白芷

二錢

防風

一錢五分

細辛

一錢

炙草

二錢

茶調勻服



海靈 廿六 勞怯是腎精內損真陰枯槁龍雷之火閃爍

無制腎脈循喉屢受陰火燔灼必糜腐而痛冬無藏精

春生亦無生發胃氣已索草木何能挽回

猪膚湯

葑門 三十九 過勞熬夜陽升痰血在土旺之令中夜熱

非因外感脈尺中動左數肝腎內虛失收肅之令

北沙參 玉竹 麥冬 扁豆 生草 青甘蔗

嘉善 三十二 肺痿失音形枯氣損用甘藥調和不宜辛

散滋寒矣



黃芪 白芨 米仁 茯苓 杜仲 遠志

聖明 六十九 望七精力不及壯盛凡男子必下焦先虛

跌仆致損乃係外傷筋縱骨短屈不能伸是足外踝留

著痰凝須俟夏月令湯醫磁針砭刺可愈還少丹

熟地 山藥 枸杞 萸肉 茯苓 杜仲 遠志

五味 楮實 小茴 巴戟 菴蓉 石菖蒲

非加棗肉為丸

唯亭 十八 讀書身靜心勞兼以夜坐浮陽易升年少雖

未完姻然情欲一萌多致不自保惜陰中龍雷挾木中



相火沸動失血咳嗽是藏陰不為寔謐暫緩書卷早眠
晏起百日中勿加雜念擾亂可以全愈若以草木希愈
非要領也

知柏八味丸加五味子

江寔

廿一

食已夕頃酸水湧嘔饑時不食又不安適此

久病胃虛而陽乏運行濁陰凝聚使然春季以辛溫開
導氣分不效思虛中挾滯泄濁濕通必佐養正苟不知
避忌食物焉能取效

吳茱萸

淡乾薑

茯苓

熟川附

小川連



熟半夏

陝西

四十七

痰飲乃陰濁所化以漸有形阻礙陽氣不

得人於陰陽躄穴空夜不熟寐靈樞用半夏秫米湯謂

通陰交陽痰飲不聚也天王補心丹一派寒涼陰藥轉

為濁陰樹幟矣護陽為要著仲景云凡痰飲當以溫藥

和之

小半夏湯加秫米

同里

五十三

瘦人多燥痺瘧熱氣由四末乘至中焦胃

中津液為邪熱劫燥不飢不食五味不美是胃陰傷也



人身不過陰陽二氣偏則病離則不治矣

人參 麥冬汁 知母 生甘草

糧船 四十 氣塞填胸阻喉不飢不食問病起嗔怒寅卯

病來臨晚病減凡氣與火必由少陽之木而升故上午

為劇

瓜蒌皮 黑梔皮 薄荷梗 神麩 新會皮

青蒿梗

淮安 三十九 性情古執氣鈍少靈慧凡心藏神腎藏精

少年先病精神不易充旺宜用六味加遠志菖蒲開通



心竅腎精俾得兩相交合

流貞巷 三十七卷 上年五箇月小產二次再加冬季服

事病人產虛在陰勞傷在陽此欬嗽吐粘濁氣逆嘔食
之由來也凡食入胃傳腸此欬是下虛不納氣衝湧水
上泛胃乏運行食亦繼出奈庸工不明傷損陰中之陽
僅僅消痰清肺一派寒涼必致胃倒敗壞

桂苓甘味湯

泰興 三十七卷 十年前因夜食凝滯閉氣食物遂胃脘

痛嘔吐病發腹大如懷姪得氣後洩而脹消經准不孕



來必腹痛病根全在氣分用藥必兼祛血分寒凝乃合
病機

吳茱萸 秦椒 川棟子 高良薑 延胡索

蓬莪逆 生香附 南山查 生薑搗汁泛丸

舟里 五十 肺痿聲啞胃減食入不安難治之虛損

戊己湯

東山 六十 血痺氣滯腹中不和而大便燥夏季以柔和

辛潤交霜降土旺之運連次腹痛目皆變黃此非黃疸

是濕熱瘀留阻壅乃爾



513

炒桃仁

郁李仁

芫薺子

冬葵子

菠萊葉

淮安

四十六

食物有形之滯從胃入腸若心胸之下皆

陽氣游行之所因初起停食幾年疑惑其實陽不轉旋

而致結痺

括萋薺白白酒湯

揚州

四十四

痰飲哮喘遇寒勞怒即發小青龍湯去麻

黃

木瀆

三十二卷

經水不來是絡脈無血古云氣旺血自

生大忌通經



人參 歸身 茯苓 桂心 麋茸

精羊肉膠和丸

黎里 四十四 形色脈象確是陽虛酒食聚濕濕注入腸

腸痔下血濕為陰濁先傷痺陽陽微氣衰麻木起於夜
半氣血交代之時中年痲中大可有虞

人參 生於朮 炮薑 炒黑附子 炙甘草

嘉興 十八 陰火必從晡暮而升寐中呻吟是浮陽不易

歸袖形瘦食少盜汗攝固其下為是

六味加阿膠人中白



嘉興十一 腎肝內損必致奇經失職俗醫混稱陰虛僅以錢仲陽小兒所用六味曰補陰和陽益藏泄府要知此時仲陽非為虛損設立

人參 紫河車 坎炁 人乳粉 秋石 茯苓

五味子 紫衣胡桃

黃門 六十七 左右為陰陽之道路向衰年歲操持經營

且不獲利心境失暢氣血不和久則拘束為痛甚於夜者陽氣衰微入夜陰用事而病加也十二味養營法

人參 白朮 茯苓 炙草 當歸 白芍 地黃



黃芪 陳皮 桂心 遠志

海鹽 四十二 據述緣季秋外邪變癘延及百日始愈凡

秋瘧是夏月暑濕熱內伏新涼外觸引動伏邪而發俗醫但知柴葛解肌暑濕傷在氣分因藥動血血傷攣痺筋熱則弛筋寒則縱遂致釀成痿痺難效之症

當歸身 桑寄生 生虎骨 枸杞子 撫芎

沙苑蒺藜

東山 三十四 精損於下陰中龍雷燃爍莫制失血後肛

瘍膿漏卽陰火下墜所致行走喘促涎沫上湧是腎不



攝納真炁五液變沫湧逆無治痰治嗽之理扶胃口攝
腎真乃為對病之藥

人參 茯苓 坎炁 五味子 紫石英 芡實

湖蓮 山藥

閻門三十四 舌粉白心中寒嘔酸不止理胃陽必佐洩

肝逆

吳茱萸 川棟子 生炒黑附子 高良薑

延胡索 雲茯苓

萬年橋廿八卷 半產重於小產左脇下痕形是氣乘肝

卷三葉案

四



絡攻之則變為中滿從前有震動胎墜嘔逆寒熱之傷

今當培養氣血正旺則痕自消不可怠忽致延勞怯

當歸 白芍 鱉血製柴胡 茯苓 蒸於朮

南棗 炙甘草

中由吉菴 廿八卷

人參 北沙參 茯神 青苧 真紋銀

關上 十九 氣洩用陽藥固氣若治嗽滋陰引入勞病一

途 黃芪建中湯加人參

同里 廿七 幼年成婚太早精炁未充先洩上年洩瀉繼

526

525

524



加痰嗽納食較多形肌日瘦今秋深喉痛是腎精內乏
陰中龍雷閃爍無制當此秋令肅降藏職失司明歲穀
兩萬花開遍此病危矣

秋石拌人參 生紫石英 紫衣胡桃肉 茯神

女貞實 五味子

楓橋十八 春正月寒威未去吸受寒氣先傷胸膈胃脘

之陽食已噁噫陳腐酸濁之氣是清陽不為轉旋忌進

黏腥厚味暫用蔬食數日

葷撥 益智仁 砂仁殼 土萹皮 生薑



江_{廿九} 病人迷上年五月住直隸白溝河北方不比

南地濕蒸則熱夜坐仍涼想是時寒熱亦是輕邪醫用

滾痰丸下奪表邪閉結不出肺痿音啞喉癆燕物艱難

仿徐之才輕可去實用有氣無味之藥

射干 生甘草 大力子 麻黃苗 蟬衣

圓圖滑石 連皮杏仁

無錫_{廿二} 嗽血秋季再發夜熱汗出全是陰虧見症大

忌肺藥理嗽絕欲百日助其收藏胃口尚好腎肝陰藥

中必佐攝納



熟地 五味子 山藥 芡實 湖蓮 茯苓

無錫 三十 脇痛失血以柔劑緩肝之急

炒熟桃仁 柏子仁 當歸尾 炒黑丹皮

鈎藤鈎

鳳陽 三十八 瘡後脾弱肝乃乘之中氣不舒所以易生

嗔怒

焦白朮 生益智 茯苓 廣皮 枳實皮

檀香末 水泛為丸

徽州 三十五 仲景云厥陰病氣上撞心明示木中風火



上行多氣少血陰虛之象治以癩症痰火有餘大謬

女貞子 天冬肉 茯苓 小生地 山萸肉

建蓮肉 赤金箔

淮安 廿二 露薑飲止瘡是益中氣以祛邪虛人治法皆

然脾胃未醒宜忌腥酒濁味

大半夏加益智橘紅薑汁泛丸

崑山 六十 老年形寒足痿瘡痰男子下元肝腎先衰

真陰少承五液變痰倘情懷暴怒內風突來有痲中之

憂戒酒節勞務自怡悅壯其下以清其上是根本治法



熟地 萸肉 淡菴蓉 川石斛 青鹽 枸杞

淮牛膝 鹿角膠

山西 三十九 夏季吐血秋深入冬頻發診脈右弦空左

濡是形神兩傷絡血不得寧靜氣血因經營而耗不比

方壯矣

黃芪建中湯

開門橋 廿九 織校肢體皆動過勞則氣血不流偏倚為

病左脇痛失血肝絡傷瘀發久必重

炒桃仁 延胡索 降香末 炒丹皮 釣藤勾



湖州 廿四 少壯病不復元失於保養延為勞嗽胃氣尚

好可與填精固下

都氣丸去丹澤加胡桃肉二仙膠

吳江 廿七 肌肉日削竟夜內熱是內損陰虛漸延勞怯

安逸可久天暖氣洩病必漸加

早服牛乳一杯 另服補陰丸

寧波 四十八 七疝肝病為多病發有聲响為氣疝寒入

募絡積疝堅硬下墜宜用八味加大茴香胡蘆巴

楓橋 廿七 眩暈嘔水心中熱神迷若癩皆操持運機君



相升舉蒙冒清神生薑辛可通神但氣溫先升佐入涼

降劑中乃可 溫膽湯

南潯 廿三 凡外邪入肺而欬嗽者可用表散藥若內傷

累及於肺而致欬者必從內傷治汗之則泄陽氣肺痿

音低顯然藥悞

黃芪 黃精 棗仁 白芨

運漕 四十四 冬藏失司嗽吐涎沫是腎病也醫見嗽咸

以肺藥治嗽宜其年餘無效

桂苓甘味湯



黃家巷廿七色奪脈促寒露霜降嗽甚風冷形肌凜凜

衛陽踈氣易泄也

小建中法

徽州四十三操持太過肝腎浮陽上升乘胃寤不成寐

金匱酸棗仁湯

興化廿四肛瘍成漏年餘真陰五液皆傷納食在胃傳

入小腸而始變化因欬痰不出必嘔盡所食乃已喉痛

失音涎沫吐出喉中仍似存留明明少陰脈中陰火內

爍上燔陰液蒸變涎沫內損精血醫見欬嗽音低咸進



清金潤肺不明此款嗆之原是速其篤已

猪膚湯

宜興十九瘡痢後脾腎兩傷用繆氏法

雙補丸方

齊門外

三十卷

上年產蓐無乳已見血虛之象延半年

後經水不來少腹痕氣有形病人自述背脊常冷心腹
中熱視面黃色奪問食少不美夫督脈為陽脈之海由
腰而起刺頸而還下元無力陽虛背寒任脈為陰海之
衝氣攻入絡為痕考內經圖翼病機宛然在目此產損



蓐勞非是小恙無如醫不讀書見寒熱經閉而妄治淹

纏日久速其篤已

人參 鹿角膠霜 粗桂枝 當歸小苗炒 枸杞子

沙蒺藜 白薇

金匱十七 夏伏暑濕秋季如瘧邪不盡解能食不化腹

中氣滯有形脾胃不和用東垣清暑益氣法

人參 黃芪 白朮 青皮 陳皮 神糶 炙草

麥冬 五味 黃柏 澤瀉 當歸 升麻 葛根

蒼朮 薑棗煎



太平

四十九

左脇有形漸次腹大每投攻下泄奪大便

得瀉脹必少減繼則仍然不通頻頻攻下希圖暫緩病

中脹浮下部加鍼刺以決水之出腫消病仍不去病患

六年久已斷想此病之愈要知此病初由肝氣不和氣

聚成痕屢發攻瀉脾胃反傷古云臍突傷脾今之所苦

二便欲出痛如刀刺蓋氣脹久下再奪其血血液枯氣

愈結矣宜通宜以利竅潤劑

琥珀屑

一錢

麝香

一分

大黑豆皮

四錢

杜牛膝

一兩

二便通後接服



莞蔚子 郁李仁 杜牛膝 當歸身 冬葵子

南京 廿八 環跳筋骨痠痛少年精傷陽維脈少護衛

當歸 巴戟 生虎脰骨 枸杞 沙苑蒺藜

川牛膝 羊內腎搗丸

橫涇 三十 勞傷虛體脹病初愈因動怒氣鬱不食二

便皆阻從腸痺定議仿丹溪開肺法以肺主一身之氣

化

杏仁 蘇子 桑葉 紫苑 萸皮 桃仁

嘉興 五十三 情志內鬱心痛如絞形瘦液枯不可氣燥



熱藥

炒桃仁 柏子仁 小胡麻 炒丹皮 延胡索

鈎藤鈎

中由吉巷

四十七卷

病人述自腰以下頽然痿

木枯寂二便不爽上下氣不接續顯然崩漏亡血切不

下交於陰中年日就衰奪惟辛補潤燥冀絡虛氣以痛

勢漸緩

郁李仁 枸杞子 肉苁蓉 冬葵子 柏子仁

桑寄生 松子仁 黑芝麻



流貞菴

四十九

漏經繼下如卵形已見血損氣結任

脈為病女子帶下痕聚少腹形象是也血傷忌投氣燥

溫熱但血藥不取沉滯血中宣氣為是

南山查

菟蔚子

青葱

新絳

生香附

泰與

三十七

精未生成強洩最難充旺至今未有生育

視形瘦問食少精薄易泄形脈不受剛猛陽藥議藉血

肉有情溫養氣血

鹿鞭

羊內腎

淡菝蓉

瑣陽

生兔絲子

枸杞子

舶茴香

牛膝

青鹽



楓橋 五十三 咽管似乎狹窄一身氣化全在於肺因胃

熱薰肺肺職失司年紀日多氣結痺阻以薄味肅清上

焦藥宜氣輕理燥

鮮枇杷葉 杜蘇子 米仁 桑葉 降香末

茯苓

陳家橋 三十六 濁止足踵膝首腫痛病起夏秋必接地

氣之濕濕自下受酒客內濕互蒸內外合邪湯藥決不

取效 蠲痛丹 一錢

六服

閨門 中焦痛起西末逆冷汗出嘔涎及食物此屬脾



厥門

炒黑附子 粗桂枝 草果仁 延胡索 片薑黃

太倉

十八卷

每交夏五六月喉間宿病俄發既愈後仍然

鼻塞火升上熱下冷經水或前或後形瘦脈小數是陰

弱不旺肝陽左升太速右降不及夏令陰伏於裏陽泄

上浮乃發病根由

阿膠 石決明 生地 天冬肉 丹皮 黑豆皮

銀花 白芍藥 丹參

十四歲室女無溫熱藥之例視色奪脈弱下焦未寒先

561

560



冷經事淋漓是衝任虛冷二炁不交冬宜藏陽用溫攝

升陽

麋茸 人參 沙蒺藜 鹿角霜 歸身 杞子

紫石英 小茴香 蛇牀子

同里十一夏令熱氣傷陰失血冬藏氣降血症必然不爽

肉瘦精虧嗽不肯已但宜滋培藏陰預防春深升泄不

可以藥理嗽固本法加五味子

人參 熟地 生地 麥冬 天冬 五味子

沐陽五十四住居臨海風瘴癘氣不似平原人衆稠密

162

163



處瘴癘侵入腦髓骨節氣血不和漸次壅遏上蒸頭面

清陽痺阻經年累月邪正混處其間草木不能驅逐憑

理而論當以蟲蟻向陽分疎通逐邪

山蟻螂一兩 仙靈脾五錢 蜂房五錢 川芎一錢

同火酒飛粗泛丸

同里 四十五 心痛得食而緩是積勞營虛大忌辛通破

氣

桃仁 歸身 柏子仁 桂圓肉 炒黑芝麻

廿三 病人述遇春季失血煩勞必有衄血凡冬月大氣

565

564



藏伏壯年自能聚精彙神不加保養春半陽生升發反
為發病根機是皆身中精氣之薄胃旺安納能自節欲
靜養則神乃藏

熟地 黃肉 山藥 芡實 湘蓮 煖神

金櫻子 五味子 青龍骨

湖州三十八 太陰腹脹是久勞傷陽不饑不能食二便

不通暢溫以通陽苦溫踈滯

熟附子 熟大黃 草果仁 生厚樸 生薑

廣陳皮



山塘

七十五

立冬未冷温熱之氣外入引動宿飲始而

狀如傷風稀痰數日繼則痰濃咽乾是少陰脈中乏津

上承五液盡化痰涎皆因下虛易受冷熱是以飲邪上

泛老年咳嗽大要宜調脾腎最忌發散泄肺理嗽暫用

越婢法

麻黃

石膏

甘草

芍藥

生薑

大棗

槐樹巷

廿三

自乳能令陰傷秋初巔脹失血是肝火上

衝使然令妊身三月法當養陰固胎

人參

子苓

阿膠

桑寄生

白芍

黑殼建蓮



常熟三十二卷寡居無歡悅之念肝膽中氣火鬱勃直上

直下莫能制伏失其疎泄之用小溲成淋謂肝脈環繞

陰竅用龍膽瀉肝法其並食無雜味亦幾于淡

龍膽草 黃芩 梔子 當歸 生地 柴胡 枳實

澤瀉 木通 甘草 車前子

常熟廿七卷瘡母痲聚有形治有宜通氣血第所述病狀

已是產虛八脈交損不敢攻瘕宋對劍表熱柳子之標

當歸生薑羊肉湯來自下土致熱不答林柳子表而

徽州三十九仲景論痰飲分二要外飲治脾內飲治腎



又云凡飲邪必以溫藥和之閱方從腎藏主治不為背
謬陽氣微弱濁陰固聚自下上逆喘不著枕附子走而
通陽深為合理第其餘一泓滋柔護陰束縛附子之劑
疾

真武湯

四十九

積勞傷陽腹膨仍爽脈弦無胃氣形肉衰削理

中宮陽氣之轉旋望其進食無能却病矣

人參 淡附子 蘘茅 茯苓 益智仁 廣皮

炙草



573

北城下三十六 温疹是一股乖戾不正無形之氣役口

鼻吸受上竅阻塞噎物不得下咽醫不辨有形無形但

曰清火寒降至藥直入腸胃與咽中不相干涉

連翹心 馬勃 牛蒡子 銀花 鮮蘆根

武進四十六 陽傷胃反

熟附子 淡乾薑 桂枝 黃連 厚樸 茯苓

宿遷四十七 冬月涉水水寒深入筋骨積數年而脛膝

骨冷筋縱病在下為陰水寒亦是陰邪久則氣血與邪

混亂草木不能驅逐古人取蟲蟻佐芳香直攻筋骨用



許學士法

炒烏頭

全蠍

麝香

飛麩火酒泛丸

同里 五十六

酒熱深入血分痲嘔盈盆越六七年病變

反胃妨食嘔吐涎沫問大便仍通結閉止在中脘先宜

通痲開閉

韭白汁

金墨汁

生桃仁

生蒲黃

延胡索

片薑黃

吳江

十六

天癸尚未至肉瘦形悴嗆嗽著枕更劇暮夜

內外皆熱天明微汗熱減痰出或稠或稀咽中總不爽



利此先天稟賦之薄稍長真陰不旺陰虛則生內熱怡
悅勿事鍼朮必俟經來可得熱除不然即世俗所稱乾
血勞怯

復脈法去麻仁

無錫

三十九

任脈為病男子內結七疝女子帶下瘕聚

問經水仍至知是氣攻入絡漸次有形况產後又十六
年不育衝任之病顯然

小茴

川棟子

橘核

甜桂枝

蓬莪遂

生香附

南山楂

雲茯苓



南京 三十二
通中焦氣血痛緩嘔食是胃氣虛逆

旋覆代赭湯

南京 三十五
頻年發失血症嗽甚痰出繼以嘔噦日晡

寒熱夜深汗泄據述醫見血投以鬱金薑黃韭汁製大
黃逐瘀下走希圖血止此是有餘治法夫人稟陰陽偏
則致病自內損傷卽是不足脈左動數尺不附骨明明
腎精肝血內奪弱陰無能交戀其陽衝陽上逆吸氣不
入是以欬嗽氣并旋必嘔噦濁涎粘沫內經謂五臟六
腑皆令人欬柰何今人以欬治肺見痰降濁清熱損者



更損殆不復藏陰府陽消長之機雜藥徒伐胃氣經年

累月已非暴病填實下隙須藉有情之屬

人參 紫衣胡桃 紫石英 茯苓 神 五味子

山萸肉 河車膠 秋石

官宰術 三十一 酒客多濕腸胃中如淖泥陽氣陷血下

注昔王損菴以剛藥劫胃水濕

理中湯加木瓜

無錫 三十一 夏月帶病經營暑濕乘虛內伏寒露霜降

天涼收肅暴冷引動宿邪寒熱數發形軟食減汗出醫



工治嗽恐其胃倒漸致勞怯變凶

歸耆建中湯

雙林巷 廿六 早食嘔吐酸水濁涎心口痛引腰膝此陽

微濁陰犯絡例以辛熱

川烏頭 高良薑 延胡索 川棟子 白豆蔻

茯苓

杭州 廿一 據述遺精頻致哮喘病發必甚此腎虛失納

真氣散越之疾少年形瘦難用溫藥治當導入任脈陰

海以固之

584

583



人參 龜腹甲 坎炁 五味子 紫衣胡桃

黃柏 芡實 金櫻子膏

雙林 廿七 痛而喜按屬虛痰多肢冷是脾厥病大便三

四日一通乃津液約束

炒熟桃仁 火麻仁 片薑黃 當歸鬚

炒延胡索

無錫 三十九 秋七月經停幾兩月繼下血塊疑是小產

遂經漏不止入冬血淨加五心脊椎骨熱天明微汗熱

緩凡經漏胎定下元真陰先損任脈陰海少液督脈陽

586

585



海氣升所謂陰虛生熱矣以肝腎藏陰精血損傷醫投

芪朮呆守中上是不究陰陽氣血不亦左乎

人參 阿膠 建蓮肉 茯神 女貞子 萸肉

生白芍 炙甘草 糯稻根

包衛前 四十五 自胃痛起咽食又噎近加涌泛粘涎中

年經營勞瘁陽傷清氣不司轉旋上不知饑大便不爽

九竅不和都屬胃病

人參 熟半夏 胡盧巴 葶撥 茯苓 老薑汁

陸家浜 三十 陰邪盛為腫便溏溺短議通腑陽



生炒黑附子 炒黑遠志 生於朮 生厚樸

椒目 茯苓 猪苓 青皮

南京 三十七 外邪窒閉肺竅用輕劑治上食可下咽水

入必噎者此喉氣有阻也仍以辛潤

杏仁 紫苑 桑葉 茯苓 米仁 通草

錢塘 五十四 閱原案開列皆肝腎病男子中年以後下

元精血先虧有形既去自難充復五液耗奪內風陽氣

易越治宜從陰引陽勿以桂附之剛愎

鹿茸 鹿角霜 天冬 天麻 茯苓 淡菴蓉

590

589



591. 枸杞子 黃甘菊

常山 四十三 食入腕悶愛氣嘔吐覺爽少焉仍然痞悶

視形軀充偉按脈形小濡中年陽微不運即為不足洩
降氣分攻痰是為有餘治法非此脈症所宜

治中法

592. 淮安 三十二 武略用力逆氣與酒色精傷不同失血在

長夏熱洩之令胸脇跗骨皆痛是肝胃絡傷

桃仁 米仁 降香末 茯苓 蘇子 韭汁

炒山查 丹皮



葉氏醫案存真三卷終

後學

鍾蟠根愚泉
曹維坤雲洲參校

卷三葉案

五

